

Школ беләр тосв

Элст болгъсна негдгч номер-тә дундин школ сургъулин джилән эклхәр сүүлин белдврән чиләв. Сарул сәәхн клас-смуд, ут-өргн коридормуд цәә-лгъад, ширдәд, угъачкән, шуу-гата эздүдән байрта тосдж авчана.

Эн джил, урдк-урдкаси онъ-гдан бәәдлд эн школ сургъу-лин джилән эклджәнә. Негд-вәр болхла энджл школд орх-көвүд, күүкдин тонь 800 күрв. Иим оли сургъульчнр эн школ урднь үзәд уга бәәсмн. Хойр-дврар болхла, хальмг бичк-дүдин төлә негдгч хальмг

класс секгдв, хойрдгч классас авн арвдгч класс күртл халь-мг кел заахмн. Цуг школд 27 класс гарчана. Школин багшин коллектив 40 күүнәс бүрдв.

—Иим оли сургъульчнр ир-джәх учрар, школин классмуд болн нань чигн зәрм обору-довань күртлго, невчк түрә-джәнә. Болв мана багшинрин коллективин ницнъгъү код-лмш цуг харгъси түрмшгиг уга кедж чадх, —гидж эн шко-лин директор үр Бурлакова келнә.

А. СЕМЕНОВА.